



Broj: 07-06-14-24197 /18
Sarajevo, 06.06.2018. godine

Na osnovu člana 70. Zakona o organizaciji organa uprave u Federaciji BiH („Službene novine Federacije BiH“, broj 35/05) i člana 62. Zakona o šumama Kantona Sarajevo („Službene novine Kantona Sarajevo“, broj 5/13), a u skladu sa članom 5. stav 1. Pravilnika o postupku i kriterijima za dodjelu namjenskih sredstava u oblasti šumarstva iz Budžeta Kantona Sarajevo („Službene novine Kantona Sarajevo“, broj 19/14, 12/16 i 13/17), Ministarstvo privrede Kantona Sarajevo objavljuje

JAVNI POZIV
za dodjelu namjenskih sredstava u oblasti šumarstva
iz Budžeta Kantona Sarajevo za 2018. godinu sa pozicije
Ministarstva privrede – Uprave za šumarstvo

Predmet Javnog poziva:

Podnošenje prijave prijedloga projekata iz oblasti šumarstva sa pratećom dokumentacijom, koji će se finansirati/sufinansirati sredstvima sa pozicije Kapitalni transferi Budžeta Ministarstva privrede – Uprave za šumarstvo Kantona Sarajevo za 2018. godinu.

Projekti koji će biti finansirani ili sufinansirani:

Operativnim planom za provođenje šumsko-uzgojnih radova i radova na zaštiti šuma na području Kantona Sarajevo u 2018. godini (*Zaključak Vlade Kantona Sarajevo broj: 02-05-23512-31/18 od 31.05.2018.godine*) predviđeni su konkretni projekti iz različitih oblasti šumsko-uzgojnih radova: pošumljavanje sa (ili bez) pripreme terena, čišćenje, popunjavanje i prorede u kulturama, rekonstrukcija i konverzija izdanačkih šuma, zaštita šuma, stručne analize iz oblasti šumarstva, očuvanje i unapređenje bioraznolikosti šumskih ekosistema, izgradnja i sanacija protivpožarnih puteva, edukacija, ekologija.

Pravo na dodjelu namjenskih sredstava:

Pravo na dodjelu namjenskih sredstava po Javnom pozivu imaju:

- a) Kantonalno javno preduzeće za gospodarenje državnim šumama na području Kantona Sarajevo „Sarajevo-šume“ (u daljem tekstu: KJP Sarajevo-šume),
- b) udruženja i fondacije, registrovana u Ministarstvu pravde Kantona Sarajevo i ona koja su registrovana u skladu sa zakonom na entitetskom ili državnom nivou, a koja imaju sjedište,



- djeluju, rade i implementiraju projekte na području Kantona Sarajevo, a registrovani programski ciljevi i zadaci su im na uzgoju šuma, uzgoja i zaštite divljači te zaštite i unaprijeđenja okoliša,
- c) fizička lica vlasnici privatnih šuma i šumskog zemljišta na području Kantona Sarajevo, a koja imaju prebivalište i realizuju projekte na području Kantona Sarajevo.

Uslovi učešća:

1. KJP Sarajevo-šume namjenska sredstva mogu se dodjeliti za projekte koje će realizovati u šumama i na šumskom zemljištu u državnom vlasništvu koje im je Zakonom o šumama Kantona Sarajevo dodijeljeno na gospodarenje i to za projekte prema Operativnom planu za 2018. godinu, a u skladu sa članom 3. Pravilnika o postupku i kriterijima za dodjelu namjenskih sredstava u oblasti šumarstva iz Budžeta Kantona Sarajevo.

2. Udruženjima i fondacijama namjenska sredstva mogu se dodjeliti za projekte iz oblasti zaštite okoliša koji se odnose na:

- a) čišćenje, uređenje, pošumljavanje i ozelenjavanje javnih površina, šumskog zemljišta i slično,
- b) očuvanje i unapređenje bioraznolikosti šumskih ekosistema,
- c) uzgoj i zaštitu divljači,
- d) izgradnju šumske i lovne infrastrukture,
- e) unapređenje zbrinjavanja otpada,
- f) jačanje ekološke kulture građana.

Udruženja i fondacije imaju pravo na Javni poziv prijaviti 2 (dva) projekta, od kojih samo 1 (jedan) projekat može biti odobren za finansiranje iz namjenskih sredstava.

3. Pravo učešća na Javnom pozivu imaju i fizička lica koja imaju prebivalište na području Kantona Sarajevo i koji će projekte realizirati na šumskom zemljištu koja su u njihovom vlasništvu i nalaze se na području Kantona Sarajevo, a koji se odnose na slijedeće:

- a) pošumljavanje šumskih goleti (nabavka sadnog materijala),
- b) popunjavanje šumskih kultura (nabavka sadnog materijala),
- c) zaštitu šuma od štetnih šumskih insekata i biljnih bolesti (nabavka opreme za zaštitu šuma od štetočina).

Fizička lica imaju pravo na Javni poziv prijaviti jedan (1) projekat.

Sadržaj projekta:

Projekat treba da sadrži:

- popunjen obrazac sa nazivom i opisom projekta;
- područje na kojem se izvodi projekat;
- jasne ciljeve projekta;
- vrste aktivnosti koje će se provesti da bi se postigli postavljeni ciljevi;
- očekivani rezultati;



- korisnike projekta;
- rok realizacije projekta;
- neophodna sredstva (uz naznaku vlastitog ulaganja).

Dokumentacija za pravna lica:

1. KJP Sarajevo-šume dužno je dostaviti slijedeću dokumentaciju kojom dokazuju ispunjavanje uslova:

- a) izvod iz sudskog registra ili drugog registra, ne stariji od 3 mjeseca od dana podnošenja prijave, kojom podnosioci prijave dokazuju da su registrovani u relevantnom registru radi obavljanja profesionalne djelatnosti (za javne ustanove iz oblasti obrazovanja dokaz o upisu u registar kod Ministarstva za obrazovanje, nauku i mlade Kantona Sarajevo),
- b) uvjerenje o poreznoj registraciji,
- c) bilans uspjeha za predhodnu godinu,
- d) uvjerenje/potvrdu o urednom izmirenju direktnih poreza, doprinosa za PIO/MIO i doprinosa za zdravstveno osiguranje izdato od Poreske uprave FBiH ne starije od 3 mjeseca od dana podnošenja prijave,
- e) uvjerenje/potvrdu o urednom izmirenju indirektnih poreza, izdato od Uprave za indirektno oporezivanje ne starije od 3 mjeseca od dana podnošenja prijave (ukoliko je u sistemu PDV-a u skladu sa Zakonom o porezu na dodanu vrijednost),
- f) karton deponovanih potpisa iz banke osoba odgovornih za finansije, tj.obrazac iz Ministarstva finansija Kantona Sarajevo za javnu ustanovu za zaštićena prirodna područja i javne ustanove iz oblasti obrazovanja sa brojem na koji će se izvršiti uplata i broj budžetske organizacije,
- g) ovjerenu izjavu o visini sredstava s kojim će sufinansijer učestvovati u finansiranju projekta ili ugovor o sufinansiranju projekta (ako postoji partner u projektu),
- h) projekat sa budžetom ovjeren i potpisan od strane podnosioca.

Dokumenti se prilažu u originalu ili ovjerenoj kopiji.

Dokumentacija za udruženja i fondacije:

Udruženja i fondacije dužna su dostaviti slijedeću dokumentaciju kako bi dokazali ispunjavanje uslova:

- a) rješenje o upisu u Registar udruženja kod Ministarstva pravde Kantona Sarajevo ili drugog nadležnog organa u Federaciji Bosne i Hercegovine iz kojeg je vidljivo sjedište udruženja na području Kantona,
- b) uvjerenje o poreznoj registraciji,
- c) karton deponovanih potpisa iz banke osoba odgovornih za finansije,
- d) ovjerena izjava o visini sredstava s kojima će sufinansijer učestvovati u finansiranju projekta ili ugovor o sufinansiranju projekta (ako postoji partner na projektu),
- e) bilans stanja i bilans uspjeha za prethodnu kalendarsku godinu, a za udruženja koja su osnovana u tekućoj godini početni bilans,



- f) projekat sa budžetom ovjeren i potpisan od strane podnosioca.

Dokumenti se prilažu u originalu ili ovjerenoj kopiji koja ne smije biti starija od 3 mjeseca računajući od dana objavljivanja Javnog poziva.

Dokumentacija za fizička lica:

- a) potvrda/uvjerenje o prebivalištu (CIPS),
- b) zemljišnoknjižni izvadak za parcelu donosno katastarsku česticu na kojoj će se realizirati projekat kao dokaz da je podnosilac zahtjeva vlasnik zemljišta,
- c) kopiju katastarskog plana za parcelu odnosno katastarsku česticu na kojoj će se realizirati projekat,
- d) prepis posjedovnog lista za parcelu odnosno katastarsku česticu na kojoj će se realizirati projekat,
- e) nalaz i mišljenje pravnog lica za obavljanje stručnih poslova u privatnim šumama sa specifikacijom troškova,
- f) ovjerena izjava o visina sredstava s kojim će korisnik ili drugi zainteresovani subjekt učestvovati u sufinansiranju projekta,
- g) projekt sa budžetom ovjeren i potpisan od strane podnosioca i pravnog lica za obavljanje stručnih poslova u privatnim šumama,
- h) izjavu pravnog lica za obavljanje stručnih poslova u privatnim šumama da su granice šumskog zemljišta u privatnom vlasništvu na kojem će se realizirati projekat na terenu vidne i na propisan način obilježene,
- i) ukoliko je podnosilac zahtjeva suvlasnik zemljišta dužan je dostaviti ovjerene punomoći suvlasnika kojim se ovlašćuje za poduzimanje radnji u cilju realizacije projekta.

Dokumenti koji se dostavljaju ne mogu biti stariji od tri mjeseca.

Dokumenti se prilažu u originalu ili ovjerenoj kopiji.

Način prijave i potrebna dokumentacija:

Kandidat prilikom prijave na Javni poziv obavezno dostavlja i slijedeće obrasce:

- a) popunjeni PRIJAVNI OBRAZAC, koji se može dobiti u Ministarstvu ili putem web stranice Ministarstva privrede Kantona Sarajevo www.mp.ks.gov.ba;
- b) IZJAVU da su svi podaci navedeni u Prijavnom obrascu istiniti i tačni (na propisanom obrascu), koji se može dobiti u Ministarstvu ili putem web stranice Ministarstva privrede Kantona Sarajevo www.mp.ks.gov.ba;
- c) PRIJEDLOG PROJEKTA isključivo na propisanom obrascu "Format prijedloga projekta", koji se može dobiti u Ministarstvu ili putem web stranice Ministarstva privrede Kantona Sarajevo www.mp.ks.gov.ba;

Podnosilac prijave obavezno popunjava sve rubrike Prijavnog obrasca i odgovara za vjerodostojnost svih unesenih navedenih podataka. Samo jasno uneseni podaci se koriste prilikom vrednovanja projekta.



Predviđeni obrasci i druga dokumentacija mogu se preuzeti u službenim prostorijama Ministarstva privrede – Uprave za šumarstvo, ul. Branilaca Sarajeva broj 21.

Rok i adresa za podnošenje prijave:

Rok za dostavu prijave po ovom javnom pozivu je 30 dana od dana objavljivanja Javnog poziva u dnevnim novinama i na web stranici Ministarstva privrede Kantona Sarajevo www.mp.ks.gov.ba

Prijave na Javni poziv sa potrebnom dokumentacijom podnose se na centralni protokol Kantona Sarajevo ili šalju preporučeno putem pošte na adresu:

**Kanton Sarajevo
Ministarstvo privrede
ul. Reisa Džemaludina Čauševića br. 1
71000 Sarajevo**

sa naznakom: “NE OTVARATI” - Prijava po Javnom pozivu: Odabir korisnika za dodjelu namjenskih sredstava u oblasti šumarstva iz Budžeta Kantona Sarajevo za 2018. godinu

Nepotpune i neblagovremene prijave neće se uzeti u razmatranje.

Kontakt telefon za dodatne informacije je 033 550 285 ili neposredno u službenim prostorijama Ministarstva privrede – Uprave za šumarstvo, ul. Branilaca Sarajeva broj 21.

MINISTAR

Dr Muharem Šabić, s.r.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

